



*GRŪSTĒS (VARDUVOS) OUŽOLS
1993 METU ROGSIEJĒ MIENESIE.*

S. DAUKONTS RAŠA, KA SENUOVIE MEDEE Ē ŽEMAITĒE VĒINĒ SO KĒTAAS SUGYVENA. VU ŽEMAITĒJĒ GARSIEJĒ SAVA MĒŠKAAS, KATRŪS NETRŪKA KRIETNIŪ MIEDIU. TŪS MĒŠKŪS, MUSĒNTAAS, GYVENA TĒKRUOJI ŽEMAIČIU DVASĒ, KATRA TEEP LIŪB VARYTĒ BAIMĒ KRYŽIUOKAMS. NETRŪKA Ē KRIETNIŪ ŽEMAIČIU, GALINČIU SAVĒ APGINTĒ. LAIKS MAŽĒN Ē VĒINUS, Ē KĒTUS.

Mažeikiu rajunē gamtuos paminklaas yr paskelbtē tuokēi medee: Juodeikiu ē Pēivēnu dvēkamienēs lēipas, stuoruojē Pikeliu pošēs ē Rēnava eglē, stuorējee Gargždū ē Vardovuos oužolaa. Praeitū metu viesols geraa pasidarbava. Dabaa jau užtenk vēinuos ronkas pērštu anyms soksaitlioutē. Bova išversta padavēmaas apipinta Pikeliu pošēs. Jau onksčiau maties, ka anaa omžēlios bēngas. Pradiuo pradijē spyglee krēstē. Vēsē mēsleje, ka nu "Naptuos" kaiminys-tēs. Pryš kelis metas nulūža stuoruojē šaka, ont katruos senuovie bova karamē nepaklosnē baudžiauninkaa. Kētē saka, ka ē 1863 metu maištinkus ont anuos kabēna. Palēkta vēina plynie so metu kopra neatsēlaikē pryš viesola. Nuskuobē biosos varģšē per pati lēimēni.

Didilis miediu mylietuos K. Labanauskis 1991 metaas siūluojē Pēivēnu lēipa pakylavuoatē, sena metalini žēida pakeistē naujo, užkibytē skylēs, parums-

tytē miedi. Vilnēškee gamtuosaugininkaa nusprēndē kēteep — smetuoninis žēids esous dēkts ēr nieka nerēiki darytē. Audra paruodē kēinuo bova teisybē. Nutraukē tou žēida ēr vēina kamiena pakluojē ont žemēs. Nu smagoma ons i mūrini zuomata išsitaškē. Juodeikiu lēipa ērgi vēinkamienē belēka. Ēš ontra kamiena tik stimberys bestypsa.

Vardovuos (Grūstēs) oužols senee pu biški keipeliuojuos žemynaas, bet vēi-

Ons jau ē be anū varģingaa begyvena. Nulaužta stuoruojē šaka atvierē vēsas žaizdas: plyšius, skylēs. Barsokaa a lapēs pu ana isitaisē sava gyvenēma. Susmoka ē tvuorelē. Tik nupovēs užrašos beprimēn, ka ons yra valstybēs sauguoms paminklos.

Renava eglē, katra yr stuoriausē Lietovuo, apsopta dvara parka, bujuo kaap niekor nieka ni nebova, nuors anuos anūkaa ē pruoanūkee per audra bova

MAŽEIKIU GAMTUOS PAMINKLAA



PĒIVĒNU LĒIPA PU AUDRUOS

na kēta lapieli vēs liūb prakēštē. Dabaa jau kelintē metaa kiūtuo plēkuom šakuom rēmdams dongo ē primindams, ka pagelba senee bova reikalinga. Nepadijē anam šalēp iškasts skleps, gal kuoki gyvybēs siūla nutraukēs, ēr ne luopyta kiaurnē, einonti i patē medē šerdi. Ka ē tuoks sovargēs, oužols paruodē sava stēprybē, jiemē ē atsēlaikē pryš audra.

Ni nabžēnau, kaap tuokius baisiausius viejus beatlaikē Gargždū oužols.

būrees pakluotē ont žemēs.

Nykst senējee medee Mažeikiūs kaap ē tēkrē žemaitēe mūsa rajunē. Matyt jau greitaa ē anus reeks pradietē ont vēinuos ronkas skaitlioutē. Kaa žmuonēs medees praded nebsērūpintē, kēteep ē būtē nebgal...

ŠVEREBS PUOVĒLS
Seda (Mažeikiu rajuns)

A. PERMĒNAITĒS Ē V. RAMANAUSKĒ
puortēgrapējēs



PIKELIU POŠĒS PU AUDRUOS